

Երկրային հետախուզական աստղաթիռը քարշ էր գալիս աստղային փոշու կուտակման մեջ: Մռայլ, չուսումնասիրված տեղ էր: Երկրացիները այստեղ եւ ամենուրեք փնտրում էին թթվածնային աշխարհներ՝ էլ շնչելու բան չկար: Ուստի երբ աստղաթիռը մոտեցավ թթվածնին մոլորակին, Ստաբիլիզատոր ռոբոտը բղավեց անմարդկային ձայնով. «Երկիր», եւ մայրը Բել Ամոռը արթնացավ: Տեղն ու տեղը իրենց միջեւ կայացավ զուտ տեխնիկական բնույթի խոսակցություն, համեմված հումորով՝ առավել հետաքրքրության համար, խոսակցություն, որը պարտավոր են վարել երեւակայական պատմվածքի բազմաչարչար հերոսները ընթերցողներին տեղեկացնելու կարթով. մոլորակների բնակեցման մասին, տիեզերքում հետախուզություն անցկացնելու մասին, իրենց աշխատանքի դժվարությունների մասին: Ավարտելով սույն տախտկալի խոսակցությունը, նրանք քիչ ավելի ազատ շունչ քաշեցին եւ գործի անցան. Անհրաժեշտ էր լողան դնել:

Ինչ բան է լողա՞նը: Դա հաղորդիչով տուփ է: Այն նետվում է ուղեծրի վրա եւ ազդանշան տալիս.«Երկիր տիրույթ, Երկիր տիրույթ, Երկիր տիրույթ...»: Այս ազդանշանի վրա հզոր աստղաթիռներով սլանում են վերաբնակվողները:

Ահա եւ եղած չեղածը:

Մի բանի խոսք Բել Ամոռի եւ Ստաբիլիզատորի մասին. Բել Ամոռ-ամրակուռ տղամարդ է, աչքերը՝ երկնագույն, ծնոտը փոքրիկ ծալքով: Տխմար չի, բայց չափավոր է խելոք: Կենսագրությունը հետաքրքրություն չի ներկայացնում: Ստաբիլիզատորի մասին ավելի քիչ: Երեք մետրանոց ռոբոտ է: Տգեղ չի, բայց բացառիկ տիմարն է: Երբ Բել Ամոռը անգործ թրեւ է գալիս, Ստաբիլիզատորը աշխատում է բռնում է դեկանիվը, հետեւում է սարքերին:

Իրենց ստիպված կլինենք որոշ ժամանակով թողնել, քանի-որ դեպքերն անսպասելի ընթացք են ստանում: Փոշու կուտակման մյուս ծայրից մոլորակին զգուշորեն մոտենում է անցակալի անձնավորություն՝ արտերկրյա քաղաքակրթության աստղաթիռ: Սա ռազմական հաճանակ է: Նա պարեկում է շրաջակայքը եւ տեղն եկած դեպքում չի հրաժարվի իրենով անել հարմար երկնային մարմինը: Իր քաղաքակրթությանը օրի պես նավթ է պետք... իրենք ինչ-որ բան են անում դրանով: Նավապետի խցիկում նստած է ծանրակշիռ պաշտոնյա՝ ուսապանակներով դողոշ: Անձնակազմը եռակի ցատկում է մինչեւ առաստաղ. հայտնաբերված նավթով մոլորակ, եռամսյա արձակուրդն ապահոված է: Հաճախակալը եւ երկրային հետադուրիչը մոտենում են մոլորակին եւ նկատում միմիայն:

Կազուս:

-Թնդանոթներ ունեն՝ փսփսում է Ստաբիլիզատորը:

-Ինքս էլ եմ տեսնում,- պատասխանում է Բել Ամոռը:

Կաթնածիրում վերջերս է խաղաղություն հաստատվել:

Քեֆները տվածի չափով պատերազմեցին, համաստեղությունները փլատակների մեջ են, օր չի անցնում, որ մեկն ու մեկն ականապատված դաշտի մեջ չնկնի: Այսպիսի, ահա, հակամարտություն էր:

Իսկ այժմ խաղաղություն է: Ճիշտ է, շատ խախտու: Յուրաքանչյուր միջադեպ հղի է հետեւվանքներով, հատկապես որ կան միջադեպերի սիրահարներ:

Ահա օրինակի համար. ուսապանակներով դողոշը կողքին նստած է նրա օգնականը. ավագ լեյտենանտ Էնֆիքսը: Սա բարոյական հիմքերից զուրկ դողոշ է: Թթած համաձայնության վրա, կռվում է նա: Մեկ կրակոց եւ ոչ ոք չի իմանա: Իսկ իմանան՝ ներողություն կխնդրենք: Շատ են բազմացել էդ երկոտանիները: Ռազմական հաճանակը բանի տեղ չեն դնում:

Այսպիսիներն էլ կան:

Խելամիտ եղեք, պատասխանում է ուսապանակներով դողոշը: Վերջի պատերազմի ժամանակ դուք դեռ շերեփուկ էիք, իսկ ես արդեն Էն Ն-երորդ հրթիռային դիվիզիայի հրամանատարն էի: Դուք լսե՞լ եք Եզնարածի չեզոք քաղաքակրթության ճակատագրի մասին: Մոխրի քուլաները մինչեւ օրս դեռ չեն ցրվել: Այնպես որ, թե ուզում եք կռվել, ամուսնացեք ազատախոհ գորտուհու հետ եւ գրոհեք նրան: Իսկ հրահանգը պահանջում է. ցանկացած օտարի հետ վիճելի հարցերի շուրջ բանակցություններ սկսել:

Բել Ամոռի ստացած հրահանգը նույնանման բովանդակություն ունի:

Հսկայական հաճանակը եւ երկտեղ նավակը մոտենում են իրար:

-Դուք չկայի՞ք, երբ մենք մոտեցանք:

-Մենք մոտեցանք, երբ դու՞ք չկայի՞ք:

Բել Ամոռը առաջարկում է օտարականներին ռադները քաշել: Եղ ինքը բռնություն է ցուցաբերում հեղինակություն վաստակելու համար:

-Լսե՛ք,- քաղաքավարի պատասխանում է ուսապանակներով պաշտոնյան:- Ծառայության բերումով ես զինվորական եմ, իսկ Եւթամբ՝ խաղաղապաշտ: Այսպիսին է իմ ներքին հակասությունը: Իմ օգնականը առաջարկում է հարցը լուծել մեկ կրակոցով, բայց եթե սկսվի նոր պատերազմ, ես չեմ տանի բարոյական պատասխանատվությունը: Եկեք խաղաղ որոշենք:

Բել Ամոռը համաձայնվում է, նախապես արտահայտելով հատուկ կարծիք այն մասին, որ թնդանոթների հետ ինքն էլ դեմ չի խաղաղ բանակցություններ վարել:

Յենց տեղում մշակվում է բանակցությունների կարգը: Մենք պիտի ելնենք, առաջարկում է Բել Ամոռը, հավասարության սկզբունքից: Ծիշտ է դուք ունեք հաճանավ, իսկ ես ընդամենը փոստատար տոտռիկ, սակայն արտաքին հատկանիշները չպետք է ազդեն բանակցությունների վրա: Մյուս կողմից հաճանավը առաջարկություն է անում բանակցությունների ժամանակակարգի կապակցությամբ: Հաճանավը պնդում է. բանակցությունները վարել մինչ ուժասպառ, մինչեւ չընդունվի երկու կողմերը բավարարող որոշում: Մոլորակի ճակատագիրը պետք է որոշված լինի:

Ահա հատվածներ բանակցությունների սղագրությունից: Այն վարել էին հաճանավում եւ սիրով տրամադրել երկրացիներին:

«Օգոստոսի 7, ԲԱՆԱԿՑՈՒԹՅՈՒՆՆԵՐԻ ԱՌԱՋԻՆ ՕՐ.

*Գեներալ Պտերիքս.* Կոպտություններ պետք չեն: Խաղաղ որոշենք:

*Մայոր Ամոռ.* Քննարկե՛նք մեր վեճը միջքաղաքակրթական միջնորդ դատարան հանձնելու մասին հարցը:

*Պտերիքս.* ՕՖ, եղ միջքաղաքականները...դատարաններով քարշ կտան:

*Բել Ամոռ.* Դե՛... եթե դուք այդպե՛ս եք կարծում...

*Պտերիքս.* Առաջարկում ենք մոլորակի բաժանման հարցը չքննարկել: Այն պիտի պատկանի կողմերից մեկին:

*Բել Ամոռ.* Անցավ:

*Պտերիքս.* Է՛լ առաջարկներ կա՞ն:

*Բել Ամոռ.* Գլուխս ոչինչ չի մտնում:

*Պտերիքս.* Առաջարկում եմ ընդմիջում անել մինչեւ առավոտ: Անձնակազմի հանձնարարությամբ հրավիրում եմ ձեզ համեստ ընթրիքի:

Օգոստոսի 8, ԵՐԿՐՈՐԴ ՕՐ.

*Բել Ամոռ.* Մեր պատվիրակությունը շնորհակալություն է հայտնում ընդունելության համար: Մեր կողմից հրավիրում ենք ձեզ ճաշի:

*Պտերիքս.* Հրավերն ընդունում ենք: Սակայն գործի: Առաջարկում ենք կնքել նավերի ժամանակաչափերը: Դրանցում պիտի որ արձանագրված լինի մոլորակի հայտնաբերման ստույգ ժամանակը: Այդպիսով կարելի է պարզել կողմերից մեկի առաջնությունը:

*Բել Ամոռ.* Իսկ ո՞ւր են երաշխիքները, որ ձեր ժամանակաչափի ցուցմունքները չեն կեղծված:

*Պտերիքս. (սեղացած)* Ձեզ համար էլ ոչ ոք չի երաշխավորի:

*Բել Ամոռ.* Ի դեպ, մենք վաղ ենք ճաշում եւ չէինք ցանկանա խախտել ժամակարգը:

*Պտերիքս.* Այդ դեպքում պետք է բոլորվել:

*Բել Ամոռ.* Եւս մի բան: Վերցրեք ձեզ հետ ձեր օգնականին, ավագ լեյտենանտ Էնֆիքսին: Ես ուզում եմ նրա հետ զրուցել:

Օգոստոսի 12, ՎԵՅԵՐՈՐԴ ՕՐ.

*Անձանոթ դեմք հաճանավից.* Յե՛յ, նավակի վրա, ո՞նց եք:

*Ստաբիլիզատոր.* Մայոր Ամոռի գլուխը խումարից ցավում է: Նա առաջարկում է բանակցությունները հետաձգել եւս մեկ օրով:

*Անձանոթ դեմք.* Գեներալ Պտերիքսը եւ ավագ լեյտենանտ Էնֆիքսը նույնպես վատառողջ են երեկվա ընթրիքից: Գեներալը հրավիրում է ձեզ նախաճաշի:

Օգոստոսի 26, ՔԱՍԵՐՈՐԴ ՕՐ.

*Գեներալ Պտերիքս. Ու ի՞նչ...*

*Մայրը Բել Ամոռ. Իսկ նա էլ իրեն ասում է...*

*Պտերիքս. Ոչ այդքան արագ, մայր: Ես չեմ հասցնում գրառել:*

Սեպտեմբերի 16, ՔԱՌԱՍՏԻՍԵԿԵՐՈՐԴ ՕՐ.

*Բել Ամոռ. Գեներալ, բանակցությունները փակուղու մեջ են, իսկ ինձ մնացել է ընդամենը երկու օրվա պաշար:*

*Պտերիքս. Ավագ լեյտենանտ Էնֆիքս: Անհապաղ մայրը Բել Ամոռին եւ ռոբոտ Ստաբիլիզատորին դնել հաճանավային լիակատար բավարարության:*

*Էնֆիքս. (ուրախ). Լսում եմ, ի՛մ գեներալ:*

Հոկտեմբերի 3, ՀԻՍՏՈՒԹԵՐՈՐԴ ՕՐ.

*Նախաճաշի ժամանակ գեներալ Պտերիքսը մայրը Բել Ամոռին հանձնեց Կանաչ Ջրաշուշանի շքանշան եւ բաժակաճառ ազդարարեց ի պատիվ երկրացիների եւ անդրամերձացիների բարեկամության: Մայրը Բել Ամոռը հանդես եկավ պատասխան ճառով: Նախաճաշն ընթացավ սրտալիր, անկեղծ պայմաններում: Երեկոյան մայրը Բել Ամոռը պարզեւատրեց գեներալ Պտերիքսին գովասանագրով:*

ՊԵՏԵՄԲԵՐԻ 11, ՀԱՐՅՈՒՐԵՍԱՆՅՈՒԹԵՐՈՐԴ ՕՐ.

*Բել Ամոռ. Չո՛րս ամիս էստեղ ցգված եմք: Պետք է որոշե՛լ, վերջապես:*

*Պտերիքս. Անձնակազմը առաջարկում է կռվացնել մեր ռոբոտներին: Ում ռոբոտը հաղթի, նրան էլ կհասնի մոլորակը:*

*Բել Ամոռ. Սկզբունքորեն ես համաձայն եմ: Հարցնեմ Ստաբիլիզատորին:*

*Ստաբիլիզատոր. ... (Մնացածը սղագրության մեջ անընթեռնելի է)*

ՊԵՏԵՄԲԵՐԻ 12, ՀԱՐՅՈՒՐԵՍԱՆՅՈՒԹԵՐՈՐԴ ՕՐ.

*Առավոտյան տիեզերական տարածությունն դուրս եկան ռոբոտ Ստաբիլիզատորը (կրեզակ-նային համակարգ) եւ ռոբոտ ժբանը (Անդրամերձացիների Ընկերակցություն): Մենամարտի պայմաների համաձայն ռոբոտները պիտի կռվեն բռունցքներով առանց ժամանակի սահմանափակման, ըդմիջումներով՝ ճաշի համար: ժբանը եւ Ստաբիլիզատորը մոտենալով, իրար ձեռք մեկնեցին եւ հայտնեցին, որ իրենք խաղաղ ռոբոտներ են, եւ հրաժարվում են միմիյանց միջեւ սպանող կազմակերպել:*

*Գեներալ Պտերիքսի հրամանով ռոբոտ ժբանը ստացավ տասը օր կալանք անկարգապահության համար: Մայրը Բել Ամոռն ասաց Ստաբիլիզատորին. «Ես ք-քեզ ցույց կտամ», սակայն կարգապահական տույժի չենթարկեց եւ ոչինչ այնպես ցույց չտվեց:*

ՓԵՏՐՎԱՐԻ 1, ՀԱՐՅՈՒՐՅՈՒՅՈՒՄԱՍՏՈՒԿԱՆԵՐՈՐԴ ՕՐ.

*Պտերիքս. Ես արդեն ամեն ինչից զզվել եմ: Ճահճում ինձ կինս է սպասում: Ես վաղուց կգնայի, եթե դուք չլինեյիք:*

*Բել Ամոռ. Եկեք միասին հեռանանք:*

*Պտերիքս. Ես էլ ձեզ հավատացի:*

*Ստաբիլիզատոր. (Ինչ որ բան է փնթփնթում):*

*Բել Ամոռ. Գեներալ, ինձ մոտ լավ միտք ծագե՛ց: Եկեք հեռանանք մի կողմ եւ կազմակերպենք մրցավազք: Ով առաջինը մոտենա մոլորակին՝ լողան կոնի:*

*Պտերիքս. Ես չգիտեմ ձեր նավակի արագությունը:*

*Բել Ամոռ. Իսկ ես՝ ձեր հաճանավի արագությունը: Երկողմ վտանգ է:*

*(Հետո սղագրությունում ճշտվում են մանրամասերը, եւ այստեղ գրվածքն ընդհատվում է:)*

Մոլորակից տասը լուսային տարվա հեռավորության վրա գտան աստղակերպ եւ որոշեցին մեկնարկել այնտեղից: Մրցավազքը ընթանում էր փոփոխական հաջողությամբ: Սկզբից առաջ պոկվեց Բել Ամոռը, իսկ հաճանավը ոչ մի կերպ չէր կարող պոկվել աստղակերպից: Գեներալ Պտերիքսը

մուլեգնում էր. մեկ խոստանում էր բոլորին պաշտոնագրկել, մեկ էլ բարձրացնել նրա՝ պաշտոնը, ով տիեզերք կհանի եւ չախկա-լուխկան: Ավագ լեյտենանտ Էնֆիքսը դառավ կապիտան: Նա իջավ մեքենայական բաժանմունք եւ կիրառելով արտակարգ կատարելության հայիոյանք, օգնեց հնոցապաններին բացել առաջին տիեզերական արագություն:

Մինչեւ տարածության կեսը երկու աստղաթիռները հավասարվեցին եւ քարշ էին գալիս երկու լուսատարի՝ ժամում արագությամբ. քարշ էին գալիս այնքան ժամանակ, մինչեւ որ պոկվեց Բեյ Ամոռի շարժիչը:

-Ձեր շարժիչը պոկվեց,- հաղորդեցին հաճանավից:

-Պետք է դուրս թռնե՛լ,- խուճապահար ասաց Ստաբիլիզատորը եւ իրեն դուրս գցեց տիեզերական տարածություն:

Բեյ Ամոռը իջեցրեց արագությունը եւ նայեց շուրջը: Դրությունը խայտառակ էր: Միթիչ էլ, եւ վերջ...

Վերջին միլիարդ կիլոմետրերի վրա հաճանավը առաջ անցավ եւ առաջինը մոտեցավ մոլորակին: Այսպես էլ մրցավազքը ավարտվեց:

Բեյ Ամոռի համար եկավ ապրումների ժամանակը, բայց ապրումներին տրվել նրան խանգարում էր Ստաբիլիզատորը: Նա լողում էր փոշու կուտակման մեջ ինչ-որ մասում եւ խնդրում էր իրեն նավի վրա վերցնել:

-Ո՛րով կգաս,- կորեց Բեյ Ամոռը:- Երբ կռվել էր պետք, նահանջեցիր: Սկզբունքնե՛րդ թույլ չտվեցին:

-Խելթով էր պետք հաղթել,- տխուր պատասխանեց Ստաբիլիզատորը:

Բեյ Ամոռը հոգուց քաշեց եւ...ականջները սրեց: Գեներալը մոլորակի վրա ինչ-որ մեկի հետ կատաղի վիճում էր:

-Դուք չկա՛յիք, երբ մենք այստեղ էինք,- գոռում էր Գեներալը:- Ես վկա ունեմ: Նա հիմա կմոտենա:

Անձանոթ ձայնը առարկեց.- Այստեղ ոչ ոք չկար, երբ ես մոտեցա: Դուք ինձ խանգարում եք լողան դնել:

-Ես վկա՛ ունեմ,- կրկնում էր գեներալ Պտերիքսը:

-Ես ոչ մի վկա չգիտեմ: Ես գտա այս քարածխային մոլորակը իմ քաղաքակրթության համար եւ կպաշտպանեմ մինչեւ հաղթական վախճանը:

Բեյ Ամոռը մոտեցավ եւ տեսավ ուղեծրի վրա հսկայական անձանոթ աստղաթիռ. հաճանավը նրա կողքին չէր դիտվում:

-Պա՛հ, իսկապես...վկա ...- զարմացավ անձանոթը, նկատելով Բեյ Ամոռին:- Այդ դեպքում առաջարկում եմ դիմել միջքաղաքակրթական միջնորդ դատարան:

Գեներալը տնքաց: Իսկ Բեյ Ամոռի մոտ հույս առաջացավ:

-Գեներալ,- ասաց նա:- Տեսնում եք չե՞... Եկեք բաժանենք մոլորակը երեք մասի, իսկ հետո մեր քաղաքակրթությունները առանց մեզ գլուխ կհանեն:

-Իսկ ինչու՞ երեք մասի,- զարմացավ նոր ձայն:- Իսկ ինձ, ինչ է հաշվի չե՞ք առնում:

-Է՞, Է՞ս ով է:

Մոլորակին մոտենում էր մի նախնադայա, ավելի շուտ շոգեմեքենա, քան՝ աստղաթիռ: Այնտեղ շնչասպառ էին լինում բերկրանքից.

-Անցնում եմ, հասկանում եք, մոտով, լսում եմ, կռվում եմ, զգում եմ, ինչ-որ բանի հոտ է գալիս, արի, մտածում եմ, թեքվեմ, շտապելու տեղ չկա, տեսնեմ ի՛նչ. հաշ-երկու-օ-ի պաշարներով մոլորակ,- մեր մոտ այդպիսի մոլորակների համար հուշարձաններ են կանգնեցնում:

-Դուք չկա՛յիք այստեղ,- միաձայն մռնչացին Բեյ Ամոռը, Պտերիքսը եւ անձանոթը:

-Ինձ չի հետաքրքրում,- պատասխանեց շոգեմեքենան:- Եկել եք՝ լողան դրեք: Լողան չկա՝ ես կդնեմ:

-Փորձվե՛ք միայն:

-Իսկ ի՛նչ կլինի:

-Վա՛տ կլինի:

-Դե եթե դուք այդպես եք տրամադրված...- հիասթափված պատասխանեց շոգեմեքենան:- Եկեք որ այդպես է, չորս լողան դնեք... Վա՛յ, նայեք, եւս մեկը:

Ցավոք նա չսխալվեց. հայտնվել էր հինգերորդը: Լրիվ փոքրիկ: Այն շարժվում էր ցածր ուղեծրով, քսվելով մթնոլորտին:

-Ի՞նչ: Ո՞վ,- բղավեցին բոլորը:- Մինչ մենք այստեղ դատարկ-դատարկ դուրս ենք տալիս, նա լողան՝ դնում: Տեսնո՞ւմ եք այդ անզգամին: Դուք այստեղ չ...:

-Դա աստղաթիռ չի,- փնթփնթաց գեներալ Պտերիքսը, ուշադրությամբ դիտելուց հետո:- Դա լողան է: Ո՞վ համարձակվեց լողան դնել: Ես խաղաղապաշտ եմ, բայց այժմ ես կկրակե՛մ:

Դա լողան էր: Այն ազդարարում էր ինչ-որ չգրանցված փակագրով:

Բոլորը լռեցին, ուշադրությամբ նայեցին, ականջ դրեցին: Ցածր-ցածր լողում է լողանը թթված-նային, նավթային, քարածխային, ջրային մոլորակի վրայով, եւ մոլորակը այլևս չէր պատկանում նրանցից եւ ոչ մեկին:

Բել Ամոռի աչքերը թացացան, անծանթը հազաց, շոգեմեքենան հեկեկաց:

-Կյանքումս առաջին անգամ...- շնչաց գեներալ Պտարիքսը եւ ձեռը գրպանը տարավ՝ թաշկի-նակ հանելու:- Առաջին անգամ եմ ներկա լինում երկունքի պահին... հենց օրորոցից...

-Այդպիսի դեպքի առթիվ մեղք էլ չի... ակնարկեց շոգեմեքենան:

-Գնանք, գնանք...- աճապարեց անծանոթը:- Մեզ՝ ոսկրացածներիս, անտաշներիս համար այս-տեղ մնալու տեղը չի:

Բել Ամոռը անթարթ նայում էր լողանին:

Լողանը ազդանշում էր եւ հեռանում դեպի հորիզոնը:

Դա լողան չէր: Դա այս մոլորակի առաջին արհեստական արբանյակն էր:

*Ռուսերենից թարգմանեց Ռուբեն Թարումյանը.*